




重編東坡先生外集卷之第一

詩

南行

郭綸

綸本河西弓箭手屢戰有功不賞自黎州都監官滿貧不能歸今權嘉州監稅

河西猛士無人識日暮津亭閱過船
路人但覺驄馬瘦不知鐵槊大如椽
因言西方久不戰截髮願作萬騎先
我當憑軾與寓目看君飛矢射蠻氊

初發嘉州

朝發鼓闐闐西風獵畫旂故鄉飄已遠
往意浩無邊錦水細不見蠻江清更鮮
奔騰過佛脚曠蕩造平川野市有禪客
釣臺尋暮煙相期定先到久立水潺潺

卷之十一
新釣魚臺下

健爲王氏書樓

樹林幽翠滿山谷樓觀突兀起江濱云是昔人藏書處磊落萬卷今生塵江邊日出紅霧散綺窗畫閣青氛氲山猿悲嘯谷泉響野鳥嚶嚶崑花春借問主人今何在被甲遠戍長苦辛先登搏戰事斬級區區何者爲三墳書生古亦有戰陣葛巾羽扇揮三軍古人不見悲世俗回首蒼山空白雲

過宜賓見夷中亂山

江寒晴不知遠見山上日朦朧含岫峯見蕩射峭壁橫雲霧飄散翠樹紛歷歷行人挹孤光飛鳥投遠碧蠻荒誰復愛穠秀安可適豈無避世士高隱鍊精魄誰能從之遊路有豺虎迹

夜泊牛口

日落江霧生繫舟宿牛口民居偶相聚三四依古柳負薪出深谷見客喜且售煮蔬爲夜食安識肉與酒朔風吹茆屋破壁見星斗兒女自嘒嘒亦足樂且久人生本無事苦爲世味誘富貴耀吾前貧賤獨難守誰知深山子甘與麋鹿友置身落蠻荒生意不自陋今予獨何者汲汲強奔走

以書東方朔傳叩
吸啜者辭未定也

牛口見月

掩窓寂已睡月脚垂孤光披衣起周覽霏露洒我裳
山川同一色浩若涉大荒幽懷耿不寐四顧獨彷徨
忽憶丙申年京邑大雨霧蔡河中夜決橫浸國南方
車馬無復見紛紛操棧郎新秋忽已晴九陌尚汪洋
龍津觀夜市燈火亦煌煌新月皎如晝疎星弄寒芒
不知京國喧謂是江湖鄉今來牛口渚見月重淒涼
却思舊遊處蒲陌沙塵黃

戎州

亂山圍古郡市易帶群蠻蠻夷春耕少孤城夜漏閑

林樾還有警征馬去無還自頃方從化年來亦款關
頗能貪漢布但未脫金鑲何足爭強弱吾民盡玉顏
舟中聽大人彈琴

彈琴江浦夜漏永歛衽竊聽獨激昂風松瀑布已清
絕更愛玉珮聲琅璫自從鄭衛亂雅樂古詭殘破世
已忘千年寥落獨琴在有如老仙不處閱興亡世人
不容獨反古強以新曲求鏗鏘微音淡弄忽變轉數
聲浮脆如笙簧無情枯木今尚爾何況古意墮渺茫
江空月出人響絕夜闌更請彈文王古琴調有文王操

泊南开口期任遵聖長官到晚不及見復來

有微徑深榛煙雨埋崎嶇欲取別不見又重來
下馬未及語固已慰長懷江湖涉浩渺安得與之偕

江上看山

船上看山如走馬倏忽過去數百羣前山槎牙忽變
態後嶺雜沓如驚奔仰看微徑邪繚繞上有行人高
縹緲舟中舉手欲與言孤帆南去如飛鳥

渝州寄王道矩

曾聞五月到渝州水拍長寧砌下流唯有夢魂長繚
繞莫論唐史更綢繆舟維故國歲時改霜落寒江波
浪收歸夢不成冬夜永厭聞舡上報更籌

安樂山聞山上木葉有文如道士篆符云此
山乃張道陵所寓

天師化去知何在玉印相傳世共珍故國子孫今尚
在蒲山秋葉豈能神

苞按何在之
在疑是處字

涪州得山胡

善鳴出黔中

終日鑱筠籠回頭惜翠茸誰知聲嘒嘒亦自意重重
夜宿煙生浦朝鳴日上峯故巢何足戀鷹隼豈能容

仙都山鹿

老泉引

至豐都縣將遊仙觀見知縣李長官云固知君之
將至也此山有鹿甚老而猛獸獵人終莫能害將

有客來遊鹿輒夜鳴故常以此候之而未嘗失予
聞而興之乃爲作詩

日月何促促塵世苦局束仙子去無蹤故山遺白鹿
仙人已去鹿無家孤棲悵望層城霞至今聞有遊洞
客夜來江市斗平沙長松千樹風簫瑟仙宮去人無
咫尺夜鳴白鹿安在哉蒲山秋草無行迹

留題仙都觀

山前江水流浩浩山上蒼蒼松栢老舟中行客去紛
紛古今換易如秋草空中樓觀何崢嶸真人王遠陰
長生飛符御氣朝百靈悟道不復誦黃庭龍車虎駕
來下迎去如旋風搏紫青真人厭色不回顧世間生
死如朝暮學仙度世豈無人食霞絕粒長苦辛安得
獨從逍遙君冷然乘風駕浮雲超世無有我獨存

屈原塔

在忠州原不當有塔於此
意者後人追思故爲作之

楚人悲屈原千歲意未歇精魂飄何在父老空哽咽
至今滄江上投飯救饑渴遺風成競渡哀叫楚山裂
屈原古壯士就死意甚烈世俗安得知眷眷不忍決
南賓舊屬楚山上有遺塔應是奉佛人恐子就淪滅
此事雖無憑此意固已切古人誰不死何必較考折
名聲實無窮富貴亦暫熱丈夫知此理所以持死節

嚴顏碑

在忠州

先王及劉璋兵意頗不義孔明古豪傑何乃爲此事
劉璋固庸主誰爲死不二嚴子獨何賢談笑傲碓几
國亡君已報嗟子死誰爲何人刻山石使我空涕淚
吁嗟斷頭將千古爲誰憐

竹枝歌

并引忠州作

竹枝歌本楚聲幽怨惻怛若有所深悲者豈亦往
者之所見有足怨者歟夫傷二妃而哀屈原思懷
王而憐項羽此亦楚人之意相傳而然者且其山
川風俗鄙野勤苦之態固已見於前人之作與今
子山之詩故特緣楚人疇昔之意爲一篇九章以
補其所未道者

蒼梧山高湘水深中原北望度千岑帝子南遊飄不
返惟有蒼蒼楓桂林楓葉蕭蕭桂葉碧萬里遠來超
莫及乘龍上天去無蹤草木無情空寄泣水濱擊鼓
何喧闐相將扣水求屈原屈原已死今千載蒲葦哀
唱似當年海濱長鯨徑千尺食人爲糧安可入招君
不歸海水深海魚豈解哀忠直吁嗟忠直死無人可
惜懷王西入秦秦關已閉無歸日章華不復見車輪
君王去時簫鼓咽父老送君車軸折千里逃歸逃故

鄉南宮公痛彈長鋏三戶亡秦信不虛一朝兵起盡
謹呼當時項羽年最少提劍本是耕田夫橫行天下
竟何事棄馬烏江馬垂涕項王已死無故人首入漢
庭身委地富貴榮華豈足多至今唯有塚嵯峨故國
淒涼人事改楚鄉千古為悲歌

望夫臺 在忠州南數十里

山頭孤石遠亭亭江轉舡回石似屏可怜千古長如
昨舡去舡來自不停浩浩長江赴滄海紛紛過客似
浮萍誰能坐待山月出照見寒影高伶俜

過木樨觀

石壁高千尺微蹤遠欲無飛簷如劍寺 出劍門東壘上寺宇髣髴

見可古栢似仙都許子嘗高遁行舟悔不迂斬蛟聞猛
烈提劍想崎嶇寂寞棺猶在修崇世已愚隱居人不
識化去俗爭吁洞府煙霞遠人間爪髮枯飄飄乘倒
景誰復顧遺軀

永安宮 今夔州永安門即古之遺址

千古陵谷變故宮安得存徘徊問耆老惟有永安門
遊人雜楚蜀車馬晚喧喧不見重樓好誰知昔日尊
吁嗟蜀先主兵敗此亡魂只應法正死使公去遭燔

八陣碛 夔州

平沙何茫茫髮髯見石絕縱橫滿江上歲歲沙水齧
孔明虎已久誰復辨行列神其非學到自古不留訣
至人已心悟後世徒妄說自從漢道衰鋒起盡好傑
英雄不相下禍難久連結驅民市無煙戰野江流血
萬人睹一擲殺盡如沃雪不爲久遠計草草常無法
孔明最後起意欲掃羣孽崎嶇事節制隱忍久不決
志大遂成迂歲月去如瞥六師紛未整一旦英氣折
唯餘八陣圖千古壯叢峽

諸葛鹽井

井有十四口山平至山上其十三井
常空每感夏漲則鹽泉迤邐遷遷去當
去于江水之所不及

五行水本鹹安在江與井如何不相入此意誰復省
人心固難足物理偶相逞猶嫌取未多井上無閑綆

白帝廟

朔風催入峽慘慘去何之共指蒼山路來朝自帝祠
荒城秋草滿古樹野藤垂浩蕩荆江遠淒涼蜀客悲
遲回問風俗涕泗閱興衰故國依然在遺民豈復知
一方稱警蹕萬乘擁旌旗遠略初吞漢雄心豈在葭
崎嶇來野廟閑默愧當時厥醜蒸山麥長歌唱竹枝
荆都真壯古天柱本經師失計雖無及圖王固已奇
猶餘帝王號皎皎在門楣

入峽

自昔懷幽賞今茲得縱探長江連楚蜀萬派瀉東南
合水來如電黔波綠似藍餘流細不數遠勢競相參
入峽初無路連山忽似龕縈紆收浩渺感縮作淵潭
風過如呼吸雲生似吐含墜崖鳴翠翠垂蔓綠穆穆
冷翠多崖竹孤生有石楠飛泉飄亂雪怪石走驚驂
絕澗知深淺樵僮忽兩三人煙偶逢郭沙岸可垂簾
野戍荒州縣邦君古子男放衙鳴晚鼓留客薦芳餐
聞道黃精草叢生綠玉簪盡應充食飲不見有仙蹤
氣候冬猶暖星河夜半涵遺民悲和衍孟和王衍舊俗

魚庵

魚庵

版屋漫無瓦崑居窄似庵伐薪嘗冒險得

米不盈甕歎息生何陋劬勞不自慙葉舟輕達汭大
浪固嘗諳矍鑠空相視謳亞莫與談蠻荒安可駐幽
遂信難枕獨愛孤棲鶻高超百尺嵐橫飛應自得達
颺似無貪墜翮遊霄漢無心顧雀鷁塵勞世方病局
束我何堪盡解林泉好多爲富貴酣試看飛鳥樂高
遁此心甘

巫山

瞿唐迤邐盡巫峽崢嶸起連峯稍可怪石色變蒼翠
天工運神巧漸欲作奇偉塊北勢方深結構意未遂

旁觀不暇瞬步步造幽邃蒼崖忽相逼絕壁凜可愕
仰觀八九頂俊爽凌浩氣晃蕩天宇高崩騰江水沸
孤超亢不讓直拔勇無畏攀緣見神宇憇坐就石位
巉巖隔江波一一問廟吏遙觀神女食綽約誠有以
俯首見斜鬟拖霞弄修帔人心隨物變遠覺含深意
野老笑吾旁少年嘗屢至去隨猿猱上反以繩索試
石笋倚孤峯突兀殊不類世人喜神怪論說驚幼穉
楚賦亦虛傳神仙安有是次問掃壇竹云此今尚爾
翠葉紛下垂婆娑綠鳳尾風來自偃仰若爲神物使
絕頂有三碑誥典古篆字老人那解讀偶見不能記
窮探到峯背採斫黃楊子黃楊生石上堅瘦文如綺
貪心去不顧澗谷千尋縋山高虎狼絕深入坦無忌
溟濛草樹密葱蒨倩雲霞膩石竇有洪泉甘滑如流髓
終朝自灌漱冷冽清心胃浣衣挂樹稍磨斧就石鼻
徘徊雲日晚歸意念城市不到今十年衰老筋力憊
當時伐殘木芽蘖已如臂忽聞老人說終日爲嘆喟
神仙固有之難在忘勢利貧賤爾何愛弃去如脫屣
嗟爾若無還絕精應不死

神女廟

大江從西來上有千高山江山自環擁恢詭富神姦

洪洲鼉鼉橫

去聲

巨壑蛇龍頑旌陽斬長蛟雷雨移蒼

灣蜀守降老蹇至今帶連鑲縱橫若無主蕩佚侵人
寰上帝降瑤姬來處荆巫間神仙豈在猛王座幽且
閑飄簫駕風馭時節朝天關倏忽巡四方不知里道
艱古粧具法服邃殿羅煙鬟百神自奔走雜沓來趨
班雲興靈怪聚雲散鬼神還茫茫夜潭靜皎皎秋月
彎還應搖玉珮來聽水潺潺

巫山廟上下數十里有烏鳶無數取食於行舟
之上舟人以神之故亦不敢害

羣飛來去噪行人得食無憂便可馴江上饑鳥無足

怪野鷹何事亦頻頻

題巫山縣用杜子美韻

苞按本杜詩

巴俗深留客吳儂但憶歸直知難共語不是故相違
東縣聞銅臭江陵換袂衣丁寧巫峽雨慎莫暗朝暉
過巴東縣不泊聞頗有萊公遺迹

萊公昔未遇寂寞在巴東聞道山中樹猶餘手種松
江山養豪俊禮數困英雄執板迎官長趨塵拜下風
當年誰刺史應未識三公

新灘

扁舟轉山曲未至已先驚白浪橫江起槎牙似雪城

卷之一
十一
昔從高來一一投澗坑大魚不能上暴鰓灘下橫
小魚散復合灑潯如遭烹鷓鴣不敢下飛過兩翅輕
白鷺誇瘦捷插脚還歆傾區區舟上人薄技安敢呈
只應灘頭廟賴此牛酒盈

新灘阻風

北風吹寒江來自兩山口初聞似搥扇漸覺平沙走
飛雲滿崑崙舞雪穿窻牖灘下三日留識盡灘前叟
孤舟倦鴉軋短纜困牽操嘗聞不終日今此何其咎
應爲留達人此意固亦厚吾今幸無事閉戶爲飲酒

昭君村

昭君本楚人艷色照江水楚人不敢娶謂是漢家子
誰知去鄉國萬里爲胡鬼人言生女作門楣昭君當
時憂色衰古來人事盡如此反覆縱橫安可知

黃牛廟

江邊石壁高無路上有黃牛不服箱廟前行客拜且
舞擊鼓吹簫屠白羊山下耕牛苦峽峭兩角磨崖四
蹄脫青芻半束長苦饑仰看黃牛安可及

蝦蟆背

墓背似覆孟蟆頤如偃月謂是月中蟆開口吐月液
根源來甚遠百尺蒼崖裂當時龍破山此水隨龍出

入江江水濁猶作深碧色稟受苦潔清獨與凡水隔
豈唯煮茶好釀酒應無敵

重編東坡先生外集卷第二

詩

南行

出峽

入峽喜巉巖出峽愛平曠吾心淡無累遇境卽安暢
東南徑千里勝處頗屢訪幽尋遠無厭高絕每先上
前詩尚遺畧不錄久恐忘憶從巫廟回中路寒泉漲
汲歸真可愛翠碧光滿盎忽驚巫峽尾崑腹有穿壙
仰見天蒼蒼石室開兩嚮宣尼古廟宇叢木作帷帳
鐵楯橫半空俯瞰不計丈古人誰架構下有不測浪
石竇見天囷瓦棺悲古奠新灘阻風雪村落去携杖

亦到龍馬溪茆屋沾村釀玉虛悔不至實爲舟人誑
聞道石最奇寤寐見怪狀峽山富奇偉得一知幾喪
苦恨不知名歷歷但想像今朝脫重險楚水渺平蕩
魚多客庖足風順行意王追思偶成篇聊助舟人唱
遊三遊洞遊洞之日有亭吏乞詩旣爲留三絕
句於洞之石壁明日至峽州吏又至意若未足
乃復以此授之

一徑遶山翠縈紆去似蛇忽驚溪水急爭看洞門呀
滑岸攀秋蔓飛橋踏古槎水中浮木三扉迎北吹一穴向西斜
歎息煙雲老追思歲月遐唐人昔未到古俗此爲家

洞暖無風雪山深富鹿豕相逢衣盡草環坐髻應髻
竈突依嵒黑樽罍就石窪鴻荒無傳記想像在羲媧
此事今安有遺蹤我獨嗟田翁勸留句強爲寫槎牙

題峽州甘泉寺

姜詩故居

輕舟橫江來弔古悲純孝逶迤尋遠迹宛變見遺貌
清泉不可挹涸盡空山窖古人飄何之唯有風竹鬧
行行翫村落戶戶懸網罩民風坦和平開戶夜無鈔
叢林富筍茹平野絕虎豹嗟哉此樂鄉無乃姜子教

寄題清溪寺

在峽州鬼谷子故居

口舌安足恃韓非死說難自知不可用鬼谷乃直姦

遺書今未亡小數不足觀秦儀固新學見利不知患
嗟時無桓文使彼二子顛死敗無足怪夫子固使然
君看巧更窮不若愚自安遺宮若有神顧首然吾言
夷陵縣歐陽永叔至喜亭

西陵雖小邑自古控荆吳形勢今無用英雄久已無

誰知有文伯遠謫自王都人去年年改堂傾歲歲扶

追思猶咎呂感歎亦憐朱

朱太守爲公築此室

舊種孤楠老新

霜一橘枯清篇留峽洞醉墨寫邦圖

三游洞有許夷陵圖後有公題

處

故老問行止長官今白鬚著書多念慮許國減歡

娛寄語公知否還須數倒壺

渚宮

渚宮寂寞依古郢楚地荒茫非故基二王臺閣已鹵
莽何況遠問縱橫時楚王獵罷擊靈鼓猛士操舟張
水嬉釣魚不復數魚鼈大鼎千石烹蛟螭當時郢人
架宮殿意思妙絕般與垂飛樓百尺照湖水上有燕
趙千蛾眉臨風揚揚意自得長使宋玉作楚詞秦兵
西來取鍾簴故宮禾黍秋離離千年壯觀不可復今
之存者蓋已卑池空野迥樓閣小惟有深竹藏狐狸
臺中絳帳誰復見臺下野水浮清漪綠窻朱戶春晝
閑想見深屋彈朱絲腐儒亦解愛聲色何用白首談

孔姬沙泉半涸草堂在破窻無紙風颼颼陳公蹤跡
最未遠七瑞寥落今何之百年人事知幾變直恐荒
廢如空陂誰能爲我訪遺迹草中應有湘東碑

江上值雪效歐陽體限不以鹽玉鶴鷺絮蝶飛
舞之類爲比仍不使皓白潔素等字

縮頸夜眠如凍龜雪來惟有客先知江邊曉起浩無
際樹杪風多寒更次青山有似少年子一夕變盡滄
浪髭方知陽氣在流水沙上盈尺江無漸隨風顛倒
紛不擇下浦坑谷高陵危江空野濶落不見入戶但
覺輕絲絲沾裳細看若刻鏤豈有一一天工爲霍然

一麾徧九野吁此權柄誰執持世間苦樂知有幾今
我幸免沾膚肌山夫只見壓蔗檐豈知帶酒廳歌兒
天王臨軒喜有麥宰相獻壽嘉及時凍吟書生筆欲
折夜織貧女寒無幘高人着屐踏冷冽飄拂襟帽真
仙姿野僧斫路出門去寒夜滿鼻清淋漓洒袍入袖
濕靴底亦有執版趨堦墀舟中行客何所愛願得獵
獵當風披草中咻咻有寒兔孤隼下擊千夫馳敲冰
煮鹿最可樂我雖不飲強倒卮楚人自古好弋獵誰
能往者我欲隨紛紜旋轉從蒲面馬上操筆爲賦之

荆門惠泉

泉源從高來走下隨石脉紛紛白沫亂隱隱蒼崖折
彎回成曲沼清澈見肝膈深瀉爲長溪奔決蕩蛙蠃
初開不容婉漸去已如帛傳聞此山中神物懶遭謫
不能致雷雨灑灑吐寒碧遂令山前人千古灌稻麥

次韻荅荆門張都官維見和惠泉

楚人少井飲地氣常不洩蓄之爲惠泉全若有所折
泉源本無情豈問濁與澈貪愚彼二水終古耻莫雪
只應所處然遂使語異月泉旁地平衍泉上山嵒嶮
君子慎所居此義安可闕古今貴言贈敢用况高節
不爲冬霜乾肯畏夏日烈泠泠但不已海遠要當

和張均題峽山

孤舟轉崑曲古寺出雲坳岸迫鳥聲合水平山影交
堂虛泉漱玉砌靜筵_之苞我爲圖名利無因此結茅

荊州十首

遊人出三峽楚地盡平川北客隨南賈吳檣問蜀舡
江侵平野斷風捲白沙旋欲問興亡意重城自古堅
南方舊戰國慘澹意猶存慷慨因劉季淒涼爲屈原
廢城猶帶井古姓聚成村亦鮮觀形勝昇平不敢論

楚地澗無邊。蒼茫萬頃連。耕牛未嘗汗。投種去如捐。
農事誰當勸。民愚亦可憐。平生事游惰。那得怨凶年。
朱檻城東角。高王此望沙。江山非一國。烽火畏三巴。
戰骨埋秋草。危樓倚斷霞。百年豪傑盡。擾擾見魚蝦。
沙頭煙漠漠。來往厭喧卑。野市分麇鬧。官帆過渡遲。
遊人多問卜。滄叟盡携龜。日暮江天靜。無人唱楚詞。

太守王夫子。山東老俊髦。壯年聞猛烈。白首更雄豪。

食鴈君不厭。駟車我正勞。中書有安石。慎勿賦離騷。
殘臘多風雪。荆人重歲時。客心何草草。里巷自嬉嬉。
爆竹驚隣鬼。駟雛聚小兒。故人應念我。相望各天涯。
江水深成窟。潛魚大似犀。赤鱗如琥珀。老枕勝玻璃。
上客舉雕俎。佳人搖翠篴。登庖更作罷。何以免屠割。
北鴈來南國。依依似旅人。縱橫遭折翼。感惻爲霑巾。
平日誰能挹。高飛不可馴。故人持贈我。三嗅若爲珍。

柳門京國道駟馬及春陽野火燒枯草東風動綠芒
北行連許鄧南去極瀟湘楚境橫天下懷王信弱王

涇陽早發

富貴本無定世人自榮枯貴貴好名心嗟我豈獨無
不能便退縮但使進少徐我行念西國已分田園蕪
南來竟何事碌碌隨商車自進苟無補乃是懶且愚
人生重意氣出處夫豈徒永懷江陽叟種藕春滿湖

夜行觀星

天高夜氣嚴列宿森然位大星光相射小星闇若沸
天文不相干嗟彼本何事世俗強指擿一一立名字
南箕與北斗乃是家人器天亦豈有之無乃遂自謂
迫觀知何如遠想偶有似茫茫不可曉使我長歎喟

題女唱驛

攬轡金房道崎嶇難具陳浮嵐常作雨冷氣不知春
少見寬平路多逢臃腫民欲知何處遠巫峽是西鄰

漢水

捨棹忽逾月沙塵困遠行襄陽逢漢水偶似蜀江清
蜀江固浩蕩中有蛟與鯨漢水亦云廣欲涉安敢輕
文王化南國遊女儼如卿洲中浣紗子環珮鏘以鳴

東坡先生集卷之二
古風隨世變寒水空冷冷遇之不敢嫚停立整冠纓

萬山

西行度連山北出臨漢水漢水蹙成潭旋轉山之趾
禪房久已壞古甃含清泚下有仲宣欄縷刻深容指
回頭望西北隱隱龜背起傳云古隆中萬樹桑柘美
月出轉山曲山上見州尾淥水帶平沙盤盤如胞珥
山川近且秀不到懶成耻問之安能詳畫地費簪筆

隆中

諸葛來西國千年愛未衰今朝遊故里蜀客不勝悲
誰言襄陽野生此萬乘師山中有遺貌嬌嬌龍之姿

龍蟠山水秀龍去淵潭移空餘蜿蜒迹使我寒涕垂

竹葉酒

楚人汲漢水釀酒古宜城春風吹酒熟猶似漢江清
耆舊何人在丘墳應已平惟餘竹葉麴留此千古情

鰕魚

曉日照江水遊魚似玉瓶誰言解縮頸貪餌每遭烹
杜老當年意臨流憶孟生吾今又悲子輟箸涕縱橫

襄陽樂府三首

野鷹來

野鷹來萬山下荒山無食鷹苦飢飛來爲爾繫絲絲

東坡先生外集 卷之二
北原有兔老且白年年養子秋食菽我欲擊之不可
得年深兔老鷹力弱野鷹來城東有臺高崔嵬臺中
公子着皮袖東望萬里心悠哉心悠哉鷹何在嗟爾
公子歸無勞使鷹可呼亦凡曹天陰月黑狐夜嘯

上堵吟

臺上有客吟秋風悲聲蕭散飄入空臺邊遊女來竊
聽欲學聲同意不同君悲竟何事千里金城蒲稚子
白馬爲塞鳳爲關山川無人空且閑我悲亦何苦江
水冬更深鱖魚冷難捕悠悠江上聽歌人不知我意
徒悲辛

襄陽樂

使君未來襄陽愁提戈入市裹氊裘自從氊裘南渡
沔襄陽無事多春遊襄陽春遊樂何許峴山之陽漢
江浦使君朱旆來翻翻人道使君似羊杜道邊逢人
問洛陽中原苦戰春田荒北人聞道襄陽樂日送飛
鴻應斷腸

食雉

雄雉曳修尾驚飛向日斜空中紛格鬬綵羽落如花
喧呼勇不顧投網復誰嗟百錢得一雙新味時所佳
烹煎雜雞鶩爪距漫槎牙誰知化爲蜃海上落飛鴉

東坡先生集 卷之二
雙鳧觀

在葉縣

九

王喬古仙子時出觀人寰嘗爲漢郎吏厭世去無還
雙鳧偶爲戲聊以驚世頑不然神仙迹羅網安能攀
紛紛塵埃中銅印紆青綸安知無隱者竊笑彼愚姦

穎大夫廟

汝州

人情難強回天性可微感世人爭曲直苦語費搖撼
大夫言何柔暴主意自慘荒祠傍孤塚古隧有殘坎
千年惟茅焦世亦貴其膽不解此微言脫衣徒勇敢

許州西湖

西湖小雨晴灩灩春渠長來從古城角夜半傳新響

使君欲春遊浚沼役千掌紛紛具畚鍤開若蟻運壤
夭桃弄春色生意寒猶快唯有落殘梅標格若矜爽
遊人坐已集挈榼三且兩醉客卧道傍扶起尚偃仰
池臺信宏麗貴與民同賞但恐城市歡不知田野愴
穎川七不登野氣長蒼莽誰知萬里客湖上獨長想
大雪獨留尉氏有客入驛呼與飲至醉詰旦客
南去竟不知其誰

古驛無人雪滿庭有客冒雪來自北紛紛笠上已盈
寸下馬登堂面蒼黑苦寒有酒不能飲見之何必問
相識我酌徐徐不滿觥看客倒盡不流濕千門盡閉

行路絕相與笑語不知夕醉中不復問姓名上馬忽
去橫短策

阮籍嘯臺

在尉氏

阮生古狂達遁世默無言猶餘胷中氣長嘯獨軒軒
高情遺萬物不與世俗論登臨偶自寫激越蕩乾坤
醒爲嘯所發飲爲醉所昏誰能與之較亂世足自存

重編東坡先生外集卷之二終

東坡先生外集卷第三

詩鳳翔

次韻子由辛丑除夕見寄

薄宦駈我西遠別不容惜方愁後會遠未暇憂歲夕
強歡須有酒冷酌不成席秦烹惟羊羹龍饌有熊腊
念爲兒童歲屈指已成昔往事今何追忽若箭已釋
感時嗟事變所得不償失府卒未駈儼矍鑠驚遠客
愁來豈有魔煩汝爲攘礫寒梅與凍杏嫩萼初似麥
攀條爲惆悵玉葉何時析不憂春艷晚行見弄皮核
人生行樂耳安用聲籍籍胡爲獨多感石火膏自炙

東坡全集卷之三
詩來苦相寬子意遠相射依依見其面疑子在咫尺
兄今雖小官幸忝佐方伯北池近所鑿中有汧水碧
臨池飲美酒尚可消永日但恐詩力弱闢健未免馘
詩成十日到誰謂千里隔一日寄一篇憂愁何足擲

溪堂留題

三徑縈回草樹蒙忽驚初日上千峰平湖種稻如西
蜀高閣連空似渚宮殘雪照山光耿耿輕水籠水暗
溶溶溪邊野鶴衝人起飛入南山第几重

新葺小園二首

短竹蕭蕭倚北墻斬茅披棘見幽芳使君尚許分池
淥隣舍何妨借樹涼亦有杏花充窈窕更煩鶯舌奏
鏗鏘身閑酒美誰來勸坐看花光照水光

三年輒去豈無鄉種樹穿池亦漫忙暫賞不須心汲
汲再來惟恐鬢蒼蒼應成庾信吟枯柳誰記山公醉
夕陽去後莫憂人剪伐西隣幸許庇甘棠

次韻子由賦予岐下廨宇池亭

北亭

舊臺北有墻予始去之爲亭

誰人築短墻橫絕壑五疊不作新亭檻幽花誰爲香

橫池

明月入我池皓皓鋪紵縞何日變成緇太玄吾懶草

短橋

誰能鋪白簟永日臥朱橋樹影欄邊轉波光板底搖

軒窗

東鄰多白楊夜作雨聲急窗下獨無眠秋蟲見燈入

曲檻

流水照朱欄浮萍亂明鑑誰見檻上人無言觀物泛

雙池

汧流入城郭疊疊渡千家不謂雙池水長漂十里花

荷葉

田田抗朝陽節節臥春水平鋪亂萍葉屢動見魚子

牡丹

花好常患稀花多信佳否未有四十枝枝枝大如許

此花有四十余枝

桃

爭多不待葉密綴欲無條傍沼人窺鑑驚魚水濺橋

李

不及梨花軟應慙梅萼紅西園有千葉淡綴更纖穠

杏

開花送餘寒結子及新火關中幸無梅汝強充鼎和

關中地不生梅

黎

霜降紅梨熟，柔柯已不勝。未嘗蠲夏渴，長見助冬冰。

棗

居人幾畝老棗樹，未成槎汝長才堪軸。吾歸已及瓜

櫻桃

獨遶櫻桃樹，酒醒喉肺乾。莫除枝上露，從向口中搏。

石榴

風流意不盡，獨自送殘芳。色作裙腰染，名隨酒盞狂。

酒名有榴花

檇

舊爲土地廟所蔽，予始遷廟墻北。

自昔爲神樹，空聞蜩鳴。社公煩見輟，爲爾致羊羹。

槐

採擷殊未厭，忽然已成陰。蟬鳴看不見，鶴立赴還深。

上有野鶴三四

松

強致南山樹，來經渭水灘。生成未有意，鴉鵲莫相干。

檜

依依古仙子，鬱鬱綠毛身。每長須成節，明年漸鹿人。

柳

今年手自栽，問我何年去。他年我復來，搖落傷人思。

壬寅重九不預會獨遊普門寺僧閣有懷舍弟
花開酒美盍不醉來看南山冷翠微憶弟淚如雲不
散望鄉心與鴈南飛明年縱健人應老昨日追歡意
已違不向秋風強吹帽北人不笑楚人訛

河

活活何人見混茫崑崙氣脉本來黃濁流若解污清
濟驚浪應湏動大行帝假一源神禹跡世留三惠梗
堯鄉靈槎應有仙家事試問青天路短長

扶風驛舍聞歌者

孤村微雨送秋涼逆旅愁人怨夜長不寐相看惟

馬悲歎互答有寒蟬天寒滯穗猶橫畝歲晚空機尚

倚墻勸爾一盃聊復睡

一作飲

人間貧富海茫茫

西蜀楊耆二十年前見之甚貧今復見之益貧所
異於昔者蒼顏白髮耳女無美惡富者妍士無賢
不肖窮者鄙使者逢時遇合豈必減當時之士哉
頃宿扶風驛舍夜半逆旅有歌者其聲悲甚起問
之蓋昔富今貧者余亦爲悽然因飲之以酒而作
此詩今日寒雨不止忽憶其事念楊君之棲遲
與逆旅者何異故出以與之

與李彭年同送崔岐歸二曲馬上口占

東坡先生集卷之三
霜乾木落愛秦川興發身輕逐馬翩貪看莫山忘遠
近強陪歸客更留連貂裘犯雪觀形勝駿馬隨鷹搏
野鮮爲問南溪李夫子壯心應未逐流年

驪山絕句三首

功成惟欲善持盈可歎前王持太平辛苦驪山山上
土阿房纔廢又華清

幾變雕牆幾變灰舉烽指鹿事悠哉上皇不念前車
戒却怨驪山是禍胎

海中方士覓三山萬古明知去不還咫尺秦陵墓
鑒朝元何必苦躋攀

讀開元天寶遺事三首

姚宋亡來事事新一作一作一官銖重萬人輕朔方
風流在不取西蕃石堡城

渾裏春船百倍多廣陵銅器越溪羅三郎官爵如泥
土爭唱弘農得寶歌

琵琶絃急滾梁州羯鼓聲高舞臂韝破費八姨三百
萬大唐天子要纏頭

夢雪

殘杯失春溫破被生夜悄開門千山白俯仰同一照
雖時出圭角固自絕瑕竅羣兒勿驚懼調汝得一笑

二月十六日與張李二君遊南溪醉後相與解衣濯足因詠韓公山石之篇慨然知其所以樂而忘其在數百年之外也次其韻

終南太白橫翠微自我不見心南飛行穿古縣金山麓野水清滑溪魚肥須臾渡溪踏亂石山光漸近行人稀窮探愈好去愈銳意未滿足枵如饑忽聞奔泉響巨碓隱隱百步搖窻扉跳波濺沫不可嚮散爲白霧紛霏霏醉中相與弃拘束願勸二子解帶圍寒裳試入插兩足飛浪激起衝人衣君看麋鹿隱豐草豈羨玉勒黃金鞿人生何以易此樂天下誰肯從吾歸

題寶鷄縣斯飛閣

西南歸路遠蕭條倚檻魂飛不可招野濶牛羊同鴈鷺天長草樹接雲霄昏昏水氣浮山麓汎汎春風弄麥苗誰使愛山輕去國此身無計老漁樵

次韻子由聞予重遊終南

去年新柳報春回今日殘花覆綠苔溪上有堂還獨宿誰人無事肯重來古琴彈罷風吹坐山閣醒時月照杯懶不作詩君錯料舊遊應許過時倍

子由詩云定邀道士

彈鳴鹿誰與溪堂共酒杯彈鳴鹿飲溪堂皆前遊終南時事

次韻子由尋驪山澄泥硯

舉世爭稱鄴瓦堅一枚不換百金頒豈知好事王夫子自採臨潼綉嶺山經火尚含泉脉煖弔秦應有涕痕潜封題寄去吾無用近日從戎擬學班

次韻子由以詩見報編禮借雷琴記舊曲

琴上遺聲久不彈琴中古意本長存苦心欲記常迷舊信指如歸自著痕應有仙人依樹聽空教瘦鶴舞風騫誰知千里溪堂夜時引驚猿撼竹軒

次韻子由聞予學射

中朝鵠鷺自振振豈信邊隅事執葢共怪書生能破的亦知驍將解論文穿楊自笑非猿臂射隼良思逐馬軍觀汝長身最堪學定如髯羽便超羣

次韻子由種菜久旱不生

新春堦下筍牙生厨裏霜虀倒舊罍時遶麥田求野齋強爲僧舍煮山羹園無雨潤何須歎身與時違合退耕欲看年華自有處鬢間秋色兩三莖

真興寺閣禱雨

大守親從千騎禱神翁遠借一杯清雲陰黯黯將噓徧雨意昏昏欲醞成已覺微風吹袂冷不堪殘日傍山明今年秋熟君知否應向江南飽食粳

予自城中還道中雲氣自山來如羣馬奔突以

手撥開籠收其中歸家雲盈籠開而放之作捧

雲篇

物役會有時星言促高駕道逢南山雲歛吸如電過
竟誰使令之袞袞從空下龍移相排撥風舞或頽亞
散爲東郊霧凍作枯樹稼或飛入吾車偪仄礙肘膀
搏收置笥中提携返茅舍開緘仍放之掣去任變化
雲兮汝歸山勿使達官怕

妬佳月

狂雲妬佳月怒飛千里黑佳月了不嗔曾何污潔白
爰有謫仙人與酒爲三客今夕偶不見汎瀾念風伯
毋煩風伯來彼也易滅沒支頤少待之寒空淨無翳
粲粲黃金槃獨照一天碧玉繩慘無輝玉露洗秋色
浩歌玻璃盃和光入胸臆使我能永延約君爲莫逆

送號令趙薦

嗟我去國久得君如得歸今君捨我去從此故人稀
不惜故人稀但恐晤語非佳人西方子佩服貝與璣
宛兮如處女未始識戶扉何必識戶扉潛玉有光輝

天和寺竹間閣子

殘花帶葉暗新筍出林香但見竹陰綠不知泝水黃
樹高傾隴鳥池浚落河魴栽種良辛苦孤僧瘦欲庇

扶風天和寺

遠望若可愛朱欄碧瓦溝聊爲一駐足且慰百回頭
水落見山石塵高昏市樓臨風莫長嘯遺響浩難收

補唐文宗柳公權聯句

宋玉對楚王此獨大王之雄風也庶人安得而共
之譏楚王知己而不知人也柳公權小子與唐文
宗聯句有美而無箴故爲是成其篇云

人皆苦炎熱我愛夏日長薰風自南來殿閣生微涼
一處居所移苦樂永相忘願言均此施清陰分四方

公伯提刑郎中挽詩二首

才賢世有幾廊廟忍輕遺公在不早用人今方歎悲
故山松鬱鬱舊史印纍纍惟有同鄉老聞名尚涕淚
揮手東門別朱顏鬢未霜至今如夢寐未信有存亡
後事書千紙新墳天一方誰能悲楚相抵掌悟君王
甲辰十二月八日鳳翔官舍書

謝張太原送蒲桃

冷官門戶日蕭條親舊音書半寂寥惟有太原張縣
令年年專遣送蒲桃

讀晉史

滄海橫流血作津犬羊角出競稱真中原豈是無豪

傑天使羣胡殺晉人

讀王衍傳

文非經國武非英終日虛談取盛名至竟開門延羯
寇始知清論悞蒼生

讀後魏賀狄干傳

羊犬爭雄宇內殘文風猶自到長安當時枉被詩書
誤惟有鮮卑賀狄干

嵇紹似康

司馬宣王旣執王凌而歸過賈逵廟大呼曰賈梁
道我亦大魏之忠臣也及王病見凌與逵共守
笞殺之逵之子充乃叛魏事晉首發成濟之事凌
嘗謂充卿非賈梁道子耶乃欲以國予人由此觀
之逵之忠于魏盖公矣充豈不知也耶余乃知小
人嗜利利之所在不難叛父父且不顧不知人主
亦安用此物故亡晉者卒充也戲作小詩云
嵇紹似康爲有子郗超叛鑒是無孫而今更恨賈梁
道不殺公間殺子充

重編東坡先生外集卷第四

詩

史舒

居憂

杭倅

京師淨因院大覺璉禪師以閤立本畫水官遺
編禮公公既報之詩謂軾汝亦作軾頓首再拜

次韻

高人豈學畫用筆乃其天譬如善遊人一一能操舡
閤子本逢掖疇昔慕雲淵丹青偶爲戲染指聊嘗龜
愛之不自已筆勢如風翻傳聞正觀中左衽解椎髻
南夷修白雉佛國貢青蓮詔令擬王會別殿寫戎蠻
熊冠金絡額豹袖擁旛旛傳呼入應門俯伏脫劍卷

天姿儼龍鳳雜沓朝鵬鱣神功與絕迹後世兩莫扳
自從李氏亡羣盜竊山川長安三日火至寶隨飛煙
尚有脫身者漂流出東關二宮豈容獨得此固已偏
吁嗟至誠物會合當有年京城諸權貴欲取百計難
贈以玉如意豈能動高禪惟應一篇詩皎若畫在前
謝蘇自之惠酒

高士例須憐麴蘖此語嘗聞退之說我今有所獨不
然麴蘖未必高士憐醉者墜車莊生言全酒未若全
於天達人本自不虧缺何暇更求全處全景山沉湮
阮藉傲畢卓盜竊劉伶顛貪狂嗜怪無足取世俗
異矜其賢杜陵詩客尤可笑羅列八子參羣仙流涎
露頂置勿說爲問底處能逃禪我今不飲非不飲明
月皎皎長孤圓有時客至亦爲酌琴雖未去聊亡絃
吾宗先生有深意百里雙瞿遠將寄且言不飲固亦
高舉世皆同君獨異不知同異兩俱空得鹿亡羊等
嬉戲快須飲此勿復辭何用區區較醒醉

入舒

黃省文書分道山靜傳鐘鼓建章闌天邊玉樹西風
起知有新秋到世間

夜直祕閣呈王敏甫

蓬瀛宮闕隔埃氛帝樂天香似許聞
瓦弄寒暉鴛臥月樓生晴靄鳳盤雲
共誰交臂論今古只有閑心對此君
大隱本來無境界北山猿鶴謾移文

偶作二絕

寺官官小未朝參紅日半窗春睡酣
爲報鄰鷄莫驚覺更容殘夢到江南
釣艇歸時菖葉雨縹車鳴處棟
花風吳江昔日經遊地盡在如今夢寐中

贈蔡茂先

京城三日雨留人吳市門前訪
丁真赤腳長鬚俱好詩軟語坐生春
鄴侯久有牙籤富太史猶探禹穴新
不惜爲君揮尺素却憂善守備三鄰

送司勳子才丈赴梓州

別日已苦迫見日未可期曷不惜此日
相從把酒卮人生初甚樂譬若枰上碁
縱橫聽汝手聚散豈吾知胡爲復嘆嗟
實恨相識遲念昔非親舊聞名自童兒
不見常隱憂見之百憂披相從未云幾
別淚遽已垂有如雲間鶴影過落寒池
舉頭已千里可見不可追我本蜀諸生
能言公少時初爲成都掾治獄官苦卑
高才絕倫輩邦伯忘等夷是時最少年
白晢未有髭

風流能痛飲敏捷好論詩勇於講上鷹不啗囊中錐
去蜀曾未久得縣復來眉簿書紛滿前指畫渙無疑
一年吏已服漸能省鞭笞二年民盡信不復煩文移
三年厭閑寂終日事桐絲客來投其轄醉倒不容辭
至今三十年父老猶嗟咨東川晚乃至觀者塞路岐
但見東人喜不知西人悲如今又繼往人事亦可奇
嗟此信偶然或云數使之王城多高爵要路人爭馳
公來席未暖去不_一晨炊屢爲蜀人得無乃天見私
吾徒本學道窮達理素推况爲二千石所至可樂_一
細思爲縣日賓友存者_一誰或終臥茅屋或去懸金_一
或已登鬼錄墓木如門楣感時何倏忽撫舊應涕洟
紫綬著更好紅顏耐不衰權奇玉勒馬婀娜胡琴姬
逢人可與樂慎勿苦相思

送宋君用遊輦下

暴雨漲荒溪尺水生洪流中有潑潑鯉沚然方快游
安知赤日爍沸浪生浮漚石密岸狹束鱗鱗窘若囚
一失在藻_一遂有轍鮒憂誓將泛江湖雪此煦沫羞
江湖與荒溪巨細雖不侔此流彼之派聯接詎阻修
超然奮躍去勢若鷹離講浮沉謝羣蛙窟穴依長洲
洗刷沮洳泥被服白紋裘誰知歲月久湧浪生咽喉

賴爾溪中物雖困有遠謀不似沼沚間四合獄萬鯁
縱知有江湖絲絲隔山丘人生豈異此窮達皆有由
吾鄉廣平君少與輕薄游堆金等屋梁穠稔百頃秋
朝廷羅紅顏夜庖炙肥牛落鬼窮書生多以金帛收
高貲一朝盡里巷誰青眸兒女號飢寒親友寡餽賙
中夜起長歎慷慨商聲謳我非田農家安能事耜耨
又非將帥種不慣揮戈矛平生負壯氣豈可遂爾休
今我中丞公位隆職兼優官爵連九族一門千驂駟
雖云富貴殊敢以貧賤投姻戚苦未遠我困豈我醜
八月秋風高駕言動輕輶將行來告別求贈安敢受
嗟子窮已甚倚伏理亦周溪魚解如此况子知公侯
馬壯僕正健去去其無留

詠怪石

家有麓險石植之踈竹軒人皆喜尋玩吾獨思棄捐
以其無所用曉夕空蘄然礎礎則甲散砥硯乃枯頑
於繳不可磨以碑不可鐫凡此六用無一取令人爭
免長物觀誰知茲石本靈怪忽從夢中至吾前初來
若奇鬼肩股何孱顏漸聞碯礧聲久乃辨其言云我
石之精憤子辱我欲一宣天地之生我族類廣且蕃
子向所稱用者六星羅電布盈溪山傷殘破碎爲世

役雖有小用烏足賢如我之徒亦甚寡往往挂名經
史間居海岱者充禹貢雅與鈇松相差肩處魏榆者
白晝語意欲傲懼驕君悛或在驪山拒強秦萬牛喘
汗力莫牽或從楊州感盧老代我問荅多雄篇子今
我得豈無益震霆凜霜我不遷雕不加文磨不瑩子
盍節槩如我堅以是贈子豈不備何必責我區區焉
吾聞石言愧且謝醜狀歛去不可攀駭然覺坐想其
語勉書此詩席之端

老翁井

井中老翁髮半華白沙翠竹翁之家翁來無蹤去無
跡井面團團生水花翁今與世兩何預無事紛紛驚
牧豎破顏易服與世同無使世人知有翁

杭州遊山

十載游名山自製山中衣願言畢婚嫁携手老翠微
不知俗緣在失身蹈危机刑名非夙業陷穽橫積威
遂成死生隔永與雲水違今日復何日芒鞋自輕飛
稽首兩足尊舉頭雙淚揮靈山會未徹八部猶光輝
願從三聖往一洗千劫非徘徊竹溪間空翠搖煙霏
鍾聲自送客山谷猶依依回首吾家山歲晚將焉歸

予之初室王氏
二既累年矣

東坡先生集卷之四
題西湖樓

少年過了未衰顏正在悲歡季孟間
細雨溟濛湖上寺東風搖蕩酒中山
千金用盡終須老百計尋思不似閑
醉裏下樓知早晚喧喧扶路笑歌還

西湖絕句

春來濯濯江邊柳秋後離離湖上花
不羨千金買歌舞一篇珠玉是生涯

夢中絕句

楸樹高花欲插天暖風遲日共茫然
落英蒲地君方見惆悵春光又一年

春夜

春宵一刻直千金花有清香月有陰
歌管樓臺聲細細鞦韆院落夜沉沉

火星崑

火星崑下石凌壁閣上相望止一僧
莫問人間興廢事門前流水几前燈

題雙竹堂壁

江上檣竿一百尺山中樓臺十二重
山僧樓上望江上遙指檣竿笑殺儂

陸蓮庵

東坡先生集卷之四
何妨紅粉唱迎仙不礙山僧到處禪
陸地生花安足怪而今更有火中蓮

風水洞聞二禽

林外一聲青竹筍坐間半醉白頭翁
春山寂好不歸去慙愧春禽解勸儂

同魯元恕游山呂穆仲不至

青春不覺老朱顏強半銷磨簿領間
愁客倦吟花似鬢佳人休唱日嘶山
共知寒食明朝過且赴僧窓半日閑
命駕呂安邀不至浴沂曾點暮方還

觀天山望朝陽崑

前日崑前欲結廬下眺江水百步餘
春泉濺濺出乳竇青莎白石半滂涂
不到津頭三二日誰知江水漲天墟
遙望橫盃不敢渡崑口正有人罾魚

法惠小飲以詩索周開祖所作

立着巫娥多少時安排雲雨待清詞
酒酣魯叟頻相憶曲罷周郎尚不知
海鷗無蹤飛過速雲龍有報發來遲
從今莫入尋春會爲欠梅花一首詩

次韻陳時發太傅雙竹

千年誰復繼夷齊凜凜霜簞此鬪奇
要識蒼龍聯蜺意擬容丹鳳宿凰枝
扶持有伴雪應怕裁剪無人風

東坡先生集卷之四
自吹莫遣騷人說連理君看高節孰爲雌

周夫人挽辭

教子通經古所賢安貧守道節尤堅當能遺烈傳家
世投燭諸郎慰眼前不待金花書命誥忽驚玉樹掩
新阡凱風吹棘君休詠我亦孤懷一泫然

題歐陽永叔會老堂

三朝出處共雍容歲晚交情見二公乘興不知千里
遠放懷還喜一樽同嘉謀定國垂青史盛事傳家有
素風自顧塵纓猶未濯九霄終日羨冥鴻

喝石嵒寄湛庵主

湛相國
寺僧也

保康橋上夜觀燈喝石嵒前夏飲冰莫把山林笑
市老夫手裏有烏藤

天聖二僧皆蜀人不見留二絕

家山忘了脚騰騰試作巴談却解廬不爲遊人問鄉
里豈知身是錦城僧

方丈門開怪不迎給孤邀供未還城興來且作尋安
道醉後何須覓老兵

遊靈隱戲贈開軒李居士

李泌節推

推倒垣墻有底難一軒便作兩軒看若教從此成千
萬巧曆如今也彼謾

東坡先生集卷之四
此君軒

雲幢煙節十洲人
犀甲檀槍百萬軍
薊蒼叢生何足數
此君真是此君君

偶於龍井辯才處得歛研奇甚作小詩

羅細無紋角浪平
半丸犀壁涌雲泓
午窓睡起人初靜
時作淒風拉瑟聲

書辯才白雲堂壁

不辭清曉扣松扉
却值支公久不歸
山鳥不鳴天欲雪
卷簾惟見白雲飛

嘲子由

堆几盡埃簡
攻之如蠹蟲
誰知聖人意
不在書籍中
曲盡絃猶在
器成機已空
妙哉斲輪手
堂下笑桓公

會飲有美堂荅周開祖湖上見寄三首

二首已刊前集

杜牧端來覓紫雲
狂言驚倒石榴裙
豈知野客青筇杖
獨臥山僧白簟紋
且向東臯伴王績
未遑南越弔終軍
新詩過與佳人唱
從此應難減一分

戲贈田辯之琴姬

流水隨絃滑
清風入指寒
坐中有狂客
莫近綉簾彈
留題徐氏花園二絕

莫尋羣玉山頭路
莫看玄都觀裏花
但解閉門留我

東坡先生集卷之四
住主人休問是誰家

退之身外無窮事
子美樽前欲盡花
更有多情君未見
不隨柳絮落人家

題懷素草書

人人送酒不曾沽
終日松間掛一壺
草聖欲成狂便發
真堪盡作醉僧圖

絕句

峩峩疊石立何孤
賴有蕭蕭翠竹俱
日莫無人鷗鳥散
空留遠水伴寒蘆

又

漠漠秋高露氣清
新蒲倚石近溪生
夜來雨後西風急
靜向窓前似有聲

和吳少卿絕句

欲伴騷人賦百篇
歸心要及菊花前
明朝知覆誰家甌
猶有桓譚道必傳

次韻章子厚飛英留題

款段曾陪馬少游
而今人在鳳麟洲
黃公酒肆如重過
杳杳白蘋天盡頭

謁敦詩先生留一絕

凜凜人言君似雪
我言凜凜雪如君
時人盡怪蘇司

東坡先生集卷之四
業不解將錢與廣文

題沈氏天隱樓

樓上新詩二百篇。三吳處士最應賢。非夷非惠真天
隱。忘世忘身恐地仙。散盡黃金猶好客。歸來碧瓦自
生煙。靈犀美璞無人識。蔚蔚空驚草木妍。

和人登海表亭

譙門對聳壓危坡。覽勝無如此得多。盡見西山遮岱
嶺。迥分東野隔新羅。花時千圃堆紅錦。雪晝雙城疊
白波。回首毬場尤醒眼。一番風送鑑重磨。

和陳述古舍人九日登高三首

一首已刊前集

山頭高會喜初涼。翠石排衙夾徑香。原憲杖藜空有
病。陶生漉酒且和光。江潮帶月來雲外。天籟和琴歷
耳傍。小妓不知君勸起。歌眉猶作遠山長。

雙蓮高臥正淒涼。應檢芸編閱舊香。桃葉罇前生悵
望。菊花籬下減精光。雲山人眼屏千疊。翠木分庭幄
兩傍。得酒且歡君強起。雲霄歸去路岐長。

會雙竹席上奉荅開祖長官

松柏蕭蕭滿故丘。知君懷抱尚悲秋。笑來九九無多
日。唱著三三憶舊遊。皓月徘徊應許共。清詩妙絕不
容酬。梅花社燕難相並。莫爲吳娘暗淚流。

東坡先生集卷之四
次韻荅開祖

淚滴秋風不爲麟。虛名何用實之賓。蒸豚未害爲純孝。狸首何妨助故人。好喚遊湖緣路便。難邀入社爲詩頻。知君頗有東山興。唱石嵒前自過春。

北山廣智大師回自都下過期而歸時率開祖無悔同訪之因留涿淨堂竹鶴二絕

涿淨堂前竹秋期。赴白雲不知綠底事。一日可無君。涿淨堂前鶴孤栖。守竹軒中無限事。恨汝不能言。欲往湖州見孫莘老。別公輔希元彥遠醇之穆仲。

秋來欲見紫髯翁。待得萼花細萼紅。記取上元燈火夜。道人猶在水精宮。

轆轤

新繫青絲百尺繩。心在君家轆轤上。我心皎潔君不知。轆轤一轉一惆悵。何處春風吹曉幕。江南涿水通朱閣。美人二八顏如花。泣向花前畏花落。臨春風聽春鳥。別時多見時少。愁人一夜不得眠。瑤井玉繩相對曉。

效盧仝

當時我醉美人家。美人顏色嬌如花。今日美人弃我。

去青樓朱箔天之涯。天涯娟娟嫦娥月。三五二八圓。
又缺。翠眉蟬鬢生別離。一望不見心斷絕。心斷絕。幾
千里。夢中醉臥巫山雲。覺來淚滴湘江水。湘江兩岸
花木深。美人不見愁人心。含愁更奏綠綺琴。調高絃
絕無知音。美人兮。美人不知爲暮雨。今爲朝雲。相思
一夜梅花發。忽到窓前疑是君。

富陽道中

清晨振衣起。起步方池側。徘徊俯丹檻。倒影見歌仄。
不識陶靖節。定非風塵格。遙懷謝靈運。本自林泉客。
予生忽世事。不以形爲役。願彼晁弁人。晁弁非予滴。

觀臺

三界無所住。一臺聊自寧。塵勞付白骨。寂照起黃庭。
殘磬風中嫋。孤燈雪後青。須防戲童子。投礫犯清冷。
魯元翰少卿惠谷簾水一器龍團二枚且貺詩

次韻

崑崙垂足練千絰。落雷起雙龍。萬物春此水。此茶饌第
一共成三絕境中人。

柳子玉以詩見邀同刁丈遊金山

君年甲子未相逢。難向君前說老翁。更有方瞳八十
一。奮衣矍鑠走山中。

觀子玉郎中草書

柳侯運筆如雷閃子雲寒碎羊欣險百斛明珠便可
扛此書非我誰能雙

荅子玉氈帳

臥病經旬減帶圍清樽忘却故人期莫嘲雪裏閑氈
帳作事從來不及時

送子玉至靈山

世事方艱便猛回此心未老已先灰何時夢入真君
殿也學傳呼觀主來

重編東坡先生外集卷之四終

